

KULTURA SJEĆANJA RADI KULTURE MIRA

Četvrtak 22.9.2022. godine je dan kada smo u našoj školi započeli jedan veliki projekt “Kultura sjećanja, radi kulture mira”, podstaknuti željom da ovaj naš poduhvat bude plodno tlo za mir u nama, mir oko nas i mir u cijelom svijetu. Skupina učenika, članova Debatnog kluba naše škole sa profesoricama Almom Ahmethodžić, Medinom Fazlić i uz podršku pedagoice škole Marije Knežević na Vijeću učenika realizirala je radionicu, koju su pažljivo i uz puno truda osmislili, s ciljem skretanja pažnje na ovu možda danas najvažniju temu. Nažalost, živimo u vremenu u kojem se u cijelom svijetu sve više zveckea oružijem, stoga je naš navažniji zadatak učiniti da mir ne posustane, ne odustane. Upravo je to moguće učiniti kroz kulturu sjećanja jer ukoliko smo nemoćni shvatiti rat, ponovno ćemo ratovati. Koliko ratova se treba dogoditi da kao čovječanstvo shvatimo svu ružnoću, svu nakaznost, sav užas rata? Na ovo pitanje ne trebaju odgovoriti neki drugi, već svako od nas. Narodi ratuju gotovo svakodnevno, uvijek iznova pronalazeći neki povod dovoljno važan, hitan, bitan... Uvijek je neko u pravu, a eto baš onaj drugi nije, uvijek je naš cilj plemenit, dobar, pravi, tako plemenit dobar i važan da opravdava i rat kao sredstvo kojim ga želimo ostvariti. Svaki rat ostavlja duboke posljedice, ljudske žrtve, traumatizirane ljude, materijalnu pustoš, siromaštvo... Upravo zato nam treba sjećanje, a ne zaborav, jer kao su naši učenici danas lijepo podsjetili historija je učiteljica života. Kulturom sjećanja gradimo kulturu mira.